

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- विधानसभा चुनावें तैहत् 18 सितम्बर गी होने आले पैहले गेड़ दे मतदान च 24एं विधानसभा हल्कें च 23 लक्ख 27 ज्हार मतदाता वोट पाने दे अधिकार दा इस्तेमाल करगंन।
- राहत दे आबादकारी सरबंधी कमीशनर डॉ. अरविंद करवानी होरें कश्मीरी विस्थापित मतदाताएं दे मतदान गी लेइयै तैआरिणं दा जायजा लैता ऐ।
- प्रधानमंत्री नरेन्द्र मोदी होर यूक्रेन दे इक रोजा दौरें दरान अज्ज किएव पुज्जगंन।
- बीएसएफ दे महानिदेशक दलजीत सिंह चौधरी होरें जम्मू कश्मीर च चुनावें कोला पैहले बन्ने सनें ते जम्मू दे अगेत्रे इलाकें दी सुरक्षा तैआरिणं दा जायजा लैता।

<><><><><><>

1st Phase of Elections

जम्मू कश्मीर च असेंबली चुनावें दे पैहले गेड़ दरान 23 लक्ख 27 ज्हार कोला मते मतदाता अपने वोट पाने दे अधिकार दी बरतून करगंन, एह्दे च 5 लक्ख 66 ज्हार नोजवान मतदाता बी शामिल न। 7एं जिलें च फैले दे 24 असेंबली हल्कें च 18 सितम्बर गी वोट पाए जाने न। इनें मतदाताएं च 11 लक्ख 76 ज्हार 441 मर्द, 11 लक्ख 51 ज्हार 42 महिला ते 60 थर्ड जंडर मतदाता शामिल न। 5 लक्ख 66 ज्हार नोजवान मतदाता 18 कोला लेइयै 29 बरें दी बरेसू देन। इंदे चा इक लक्ख 23 ज्हार 922 मतदाता पैहली बारी अपना वोट पांगन। कश्मीर सूबे च अनंतनाग, पुलवामा, शोपियां, कुलगाम ते जम्मू संभाग च डोडा, रामबन ते किश्तवाड़ जिलें लेई अधिसूचना जारी करी दित्ती गेदी ऐ।

<><><><><><>

Kashmir Migrant Voting

विस्थापितें गी राहत ते आबादकारी सरबंधी कमीशनर डॉ. अरविंद करवानी होरें असेंबली चुनावेंस च कश्मीरी विस्थापितें दे मतदान गी लेइयै कीते जा करदे प्रबंधें दा जायजा लैता।

करवानी होरें सहायक चुनां अधिकारिएं, बूथ स्तरै दे अधिकारिएं ते होरने मुत्तलका अधिकारिएं थमां तजवीज कीते गेदे खास मतदान केन्द्रें, कोलैक्शन ते डिस्ट्रीब्यूशन सेंटरें ते स्ट्रांग रूम बारे ब्योरेवार जानकारी लैता। करवानी होरें नामजद खास मतदान केन्द्रें पर भारतीय चुनां कमीशन दे नियमें मताबक सहूलतां उपलब्ध कराने पर जोर दित्ता। कश्मीरी विस्थापतें लेई जम्मू, उधमपुर ते नमीं दिल्ली च खास मतदान केन्द्र बनाए जांगन। राहत ते आबादकारी सरबंधी कमीशनर होरें अधिकारिएं गी पूरी लगन कन्नै ते तैह समें च असैंबली चुनाएं मुत्तलक तैआरिएं गी पूरा करने दे निर्देश दित्ते।

<><><><><><>

PM-Ukrain

प्रधानमंत्री नरेन्द्र मोदी होर अज्ज यूक्रेन दी यात्रा पर किएव पुज्जगंगन। श्री मोदी राष्ट्रपति बोलोदिमीर जेलंस्की हुंदे कन्नै डेलीगेशन स्तरै दी गल्लबात करगंगन। एह गल्लबात मेद ऐ जे मुख्त तौर पर यूक्रेन संघर्ष दा हल तुप्पने पर केन्द्रित होई सकदी ऐ। यात्रा थमां पैहले श्री मोदी होरें आखेआ जे भारत दा पक्का विश्वास ऐ जे जंग कन्नै कुसै बी समस्या दा हल नेई निकली सकदा। उनें आखेआ जे ओह खेत्तर च रमानदारी ते स्थिरता दी ब्हाली लेई हर मुमकन सैहयोग देने गी तैआर न। श्री मोदी होरें कल वारसां च पोलैंड दे प्रधानमंत्री डॉनल्ड टस्क हुंदे कन्नै गल्लबात परेंत एह टिप्पणी कीती। दौनें नेताएं आखेआ जे सब्बने मुख्तें गी कुसै बी मुख्त दी इलाकाई अखंडता ते संप्रभुता जां सियासी आजादी खलाफ ताकत दे इस्तेमाल थमां बचना लोड़चदा।

<><><><><><>

Training MCC

असैंबली चुनाएं दरान जिला ते विधानसभा हल्के दे स्तरै पर अपने चुनां अमले दी म्हारत च बाद्धा करने लेई जम्मू कश्मीर दे मुख्त चुनां अधिकारी हुंदे दफ्तर आस्सेआ चलाया जा करदा सिखलाई प्रोग्राम कल सम्पन्न होइ गेआ। इस दरान समूलचे केन्द्र शासत प्रदेश दे नोडल अधिकारिएं गी चुनां सरबंधी सिखलाई दित्ती गई। नोडल अधिकारिएं गी असरदार ढंगै कन्नै आदर्श आचार संहिता गी लागू करने, पैहे देइयै खबरां लोआने ते फर्जी खबरें दी निगरानी रखने, सोशल मीडिया दी एपें ते चुनां सरबंधी खर्चे दी निगरानी रखने बारे ट्रेनिंग दित्ती गई। मुख्त चुनां अधिकारी पी.के.पोले होरें इस दरान सखेतरुएं ते नोडल अधिकारिएं गी संबोधत कीता ते उनेंगी आदर्श आचार संहिता गी लागू करने गी जकीनी बनाने लेई आखेआ।

<><><><><><>

Ramban-DEO

सुरक्षत ते पारदर्शी चुनां जकीनी बनाने लेई रामबन दे जिला चुनां अधिकारी बसीर उल हक चौधरी होर लगातार अपनी भेठा दा जतन करा'रदे न। रामबन जिले दे 2 विधानसभा हल्के च पैहले गेड़ तैह्त 18 सितम्बर गी मतदान होना ऐ। स्वीप प्रोग्राम तैह्त लोकें गी जागरूक करने लेई केई गतिविधियां चलाइयां जा'रदियां न। जिंदे च रैलियां, बाद विवाद, सैमीनार ते घर-घर जाइयै जागरूकता पेदा करने आला अभियान शामिल ऐ। एहदा मकसद मतदाताएं गी जागरूक बनाना ऐ। आकाशवाणी कन्नै गल्ल करदे होई जिला चुनां अधिकारी होरें आखेआ.....

<><><><><><><>

Reasi SVEEP

अपनी किस्म दा बक्खरा "नारी शक्ति चौपाल" कार्यक्रम पंचैत घर अगार जित्तो च करोआया गेआ। एहदा मकसद चुनां प्रक्रिया च महिलाएं दी शमूलियत गी बघाना ते एहदे बारे महिलाएं गी जानकार बनाना हा। जिला चुनां अधिकारी विशेष महाजन हुंदी दिक्ख-रिक्ख च स्वीप दे जिला नोडल अफसर सचिन शर्मा, जिला प्रशासन दी महिला कर्मिं दी मजूदगी पैहली बारी वोट पाने आली महिला मतदाता, बर्जुग महिलाएं, आंगनवाड़ी कार्यकर्ताएं, एहदे च बधी-चढ़ियै हिस्सा लैता। एहदी शुरुआत सचिन शर्मा हुंदे आस्सेआ वोट दे महत्व गी उजागर करने कन्नै होई। 25 सितम्बर गी दुए गेड़ तैह्त उत्थें होने आले मतदान च महिलाएं गी बधी-चढ़ियै हिस्सा लैने लेई प्रेरित कीता गेआ। सब्बने गी अपील कीती गई जे ओह वोट पाने दे अपने हक्क दा इस्तेमाल करन।

<><><><><><><>

BSF-DG

सीमा सुरक्षा बल दे डीजी दलजीत सिंह चौधरी होरें अंतर्राष्ट्रीय बन्ने कन्नै लगदे जम्मू दे अगेत्रे इलाकें दा दौरा लाया ते बलें दी तैआरिं दा जायजा लैता। उनें उत्थें तैनात जुआनें कन्नै गल्लबात कीती। इस दरान उनेंगी उच्च अधिकारिं आस्सेआ कीते गेदे सुरक्षा इंतजामें बारे बी अवगत करोआया गेआ। हाल च अपना औहदा संभालने मगरा डीजी हुंदा जम्मू दे अगेत्रे इलाकें दा एह पैहला दौरा ऐ। उंदा एह दौरा जम्मू कश्मीर च त्रै गेड़ च होने आले विधानसभा चुनाएं गी दिक्खदे होई हा। पैहले गेड़ तैह्त मतदान 18 सितम्बर गी होना ऐ।

अंतर्राष्ट्रीय बन्ने ते कब्जा रेख कन्नै लगदे इलाके च त्रऊं सतहें आले सुरक्षा बंदोबस्त अपनाए गे न। डीजी बीएसएफ होरें बन्ने आली अगेत्री चौकिएं दा दौरा लाया। उनें सांबा, कठुआ सेक्टर ते सुंदरबनी सेक्टर च बले दी तैआरिएं दा जायजा लैता। उनें बीएसएफ दे सेक्टर कमांड ते बटालियन कमांडरे कन्नै गल्लबात कीती ते सुरक्षा सरबंधी पैहलुएं पर चर्चा कीती।

<><><><><><>

Security Forces

सुरक्षाबले आस्सेआ कठुआ जिले दे बन्ने आले इलाके च तपाशी अभियान चलाया गेआ ऐ। एह तपाशी अभियान इलाके च संदिग्ध नकलो हरकत दिक्खे जाने मगरा चलाया गेआ ऐ। 2 लोके दी संदिग्ध नकलो हरकत दिक्खे जाने दी जानकारी थोने मगरा सुरक्षाबले जिले दे जंदोर इलाके दी घेराबंदी करियै तपाशी अभियान रंभ कीता। खीरी खबर थोने तगर एह अभियान जारी हा। तोआई पुंछ जिले च सेना नै कब्जा रेखा कन्नै लगदे चक्कां दा बाग आले इलाके च इक पाकिस्तानी बसनीक गी फगड़ी लैता ऐ। सौहगे सुरक्षाबले जिसलै इसी अग्गे औं दे दिक्खेआ तां उसी वापस परतोने लेई गलाया पर ओह होर अग्गे आया जेहदे चलदे बले आस्सेआ उसी फगड़ी लैता गेआ।

<><><><><><>

PM-MKB

प्रधानमंत्री नरेन्द्र मोदी होर औं दे ऐतवारे आकाशवाणी पर प्रसारत होने आले “मन की बात” कार्यक्रम राएं लोके कन्नै अपने बचार सांझा करगंन। एह इस रेडिया कार्यक्रम दी 113मीं कड़ी होग। प्रधानमंत्री नरेन्द्र मोदी हुं दे आस्सेआ लगातार त्रीह बारी प्रधानमंत्री दा औहदा संभालने मगरा एह त्रिया मन की बात कार्यक्रम होग। एह कार्यक्रम आकाशवाणी ते दूरदर्शन दे सारे नेटवर्क, आकाशवाणी समाचार दी वैबसाइट ते न्यूज ऑन एयर ऐप पर बी कन्नो कन्नी प्रसारत कीता जाग। इस कार्यक्रम दा लाइव प्रसारण आकाशवाणी समाचार, डीडी न्यूज़, प्रधानमंत्री हुं दे दफतर ते सूचना ते प्रसारण मंत्रालय दे यू ट्यूब चैनले पर बी कीता जाग। आकाशवाणी पर हिंदी प्रसारण दे तुरत मगरा एहदा क्षेत्रीय भाषाएं च बी प्रसारण कीता जाग।

<><><><><><>

Machail Yatra

श्री मचेल माता दी सलाना यात्रा गी लेइयै श्रद्धालुएं च बड़ा मता उत्साह दिक्खेआ जा करदा ऐ। 45एं दिनें तोड़ी चलने आली एह यात्रा 25 जुलाई गी शुरू होई ही, 21 अगस्त तोड़ी 2 लक्ख कोला मते श्रद्धालु माता दे दर्शन करी चुके दे न। डिवीजनल कमीशनर रमेश कुमार हुंदा अगुवाई च प्रशासन नै यात्रुएं गी बगैर अडचन दे यात्रा कराने लेई व्यापक इंतजाम कीते दे न। इत्थें उपलब्ध कराई गोदी सहूलतें गी लेइयै श्रद्धालुएं प्रशासन आस्सेआ कीती गोदी कोशशें गी लेइयै संदोख प्रकट कीता ऐ ते कन्नै प्रशासन दी तरीफ कीती ऐ। जिला प्रशासन नै यात्रुएं दी सुविधा, आराम ते रौहने लेई साफ सुथरी थाहर दा इंतजाम कीते दा ऐ।

<><><><><><><>

Janmashtami Udhampur

उधमपुर दिएं डिप्टी कमीशनर सलोनी राय होरें कल डीसी दफतर अहाते दे मिनी कांफ्रेंस हाल च अधिकारिं ते सिविल समाज दे मिंबरें कन्नै लग्गी दी इक मीटिंग दी प्रधानता कीती। इस दरान श्री कृष्ण जन्माष्टमी ध्यार दी तैआरिं गी मुकदा रूप देने बारे गल्लबात कीती गई। इस दरान ध्यार दे मौके पर पीने आले पानी, बिजली दी सप्लाई, अगगे स्थालने आली सेवा, मुंडली चिकित्सा सेवा, खाने-पीने आली चीजें दे भाह ते गुणवत्ता गी दिक्खने ते शैहरा दी साफ सफाई गी बनाई रखने बारे ध्यान देने उप्पर सोच बचार होआ। डिप्टी कमीशनर होरें मुत्तलका मैहकमे गी सब्बै प्रबंध करी लैने दे निर्देश दित्ते।

<><><><><><><>